

Newspaper	SELANGORKINI
Date	2 OCTOBER 2016

Tun Mahathir sah hadir Bersih 5, tolak provokasi Umno

Selangorkini – 2 Okt 2016



BERA, 2 OKT : Bekas Perdana Menteri, Tun Dr Mahathir Mohamad mengesahkan kehadirannya untuk turun berdemonstrasi dalam himpunan Bersih 5, 19 November ini.

Bagaimanapun katanya, pengajuran kali ini disifatkan agak ‘terganggu’ susulan provokasi melampau kumpulan merah, dinaungi Ketua Bahagian Umno Sungai Besar, Datuk Jamal Md Yunos.

“Seperti tahun lalu, saya turut serta

dan tahun ini saya akan hadir juga. (Bersih 5).

“Tapi tindakan provokasi kumpulan baju merah itu dilihat cara ganas Jamal dan semudahnya pula (dia) mendapat pingat Datuk,” sindir Mahathir.

Beliau bercakap kepada SelangorKini menerusi temubual eksklusif di sebuah hotel sempena pengajuran Program Jelajah IMDB, di sini.

Dalam perkembangan itu, kenyataan Mahathir kini dilihat senada dengan sokongan dizahirkan Presiden KEADILAN, Datuk Seri Dr Wan Azizah Wan Ismail dan Timbalannya, Dato’ Seri Mohamed Azmin Ali terhadap himpunan itu.

Mahathir sebelum ini bersama Tun Dr Siti Hasmah tampil pada demonstrasi himpunan Bersih 4, di Dataran Merdeka Kuala Lumpur, Ogos tahun lalu.

Kehadiran beliau pada himpunan rakyat itu sekali gus memberi tamparan hebat kepada pimpinan tertinggi Umno khususnya, Datuk Seri Najib Razak.

Bersih 2.0 menerusi pengerusinya, Maria Chin Abdullah berkata, pengajuran Bersih 5 diadakan sebagai desakan menuntut pembaharuan institusi dan sistem pilihan raya yang lebih bersih.